

四庫全書

史部

欽定四庫全書

關中勝蹟圖志卷十四

陝西巡撫臣畢沅撰

古蹟郊邑

上古女媧氏風陵潼關志在東門外黃河北岸水經注  
關之直北隔河有層阜巍然獨秀孤峙河陽世謂之風  
陵戴延之所謂風埵者也又西征記云伏羲女媧風姓  
此當是女媧之墓唐歷潼關口河潭上有樹數株雖水

暴漲亦不漂沒人號為女媧墓天寶十二載五月因大風吹失所在乾元二年六月虢州刺史王晉光上言今月一日河上側近忽聞風雷曉見墳湧出上有雙柳樹下有巨石各高丈餘路史女媧氏其神居于栗席之野是謂風陵堆乾元中刺史秦閬鄉墳天寶十三載天雨晦冥俄失所在至是河旁風雷夜聲黎明視之其墳湧出復夾兩柳樹肅宗命祝史祠焉乾德四年詔置守陵五戶春秋少牢

臣謹按山西平陽府志趙城東有媧皇陵山東兗州府志濟寧州東南亦有女媧氏陵唐陸長源媧皇墓辨謂古志相傳女媧墓在大河中水高與高水下亦下蓋神之所扶持乃自天寶十三載秋霖沖沒之後至今無蹟始知聞說皆謬也然自魏酈道元稱述以來自是唐置祀典宋置守戶又若確鑿可據者所謂有其舉之莫敢廢歟又關中陵墓志謂係黃帝相風后墓

史皇氏倉頡墓通志在白水縣東北七十里丹鉛總錄  
倉頡塚方輿勝覽有數處當以在關中馮翊者為是按  
皇覽云有倉頡塚在利陽亭南高六丈

史官村同州志在白水縣東北彭衙東二十里村西有  
利鄉亭今名史官村史記倉頡居陽武葬衙之利鄉亭  
南即此

商伊尹墓雍勝略在郃陽縣秦莊葉夢熊伊尹墓碑郃  
陽故有伊尹墓為廟歲時祀之舊志稱縣南二十里為

莘國尹所耕處據朱子詩傳莘之在郃陽無疑康乃心  
伊尹墓記孟子耕於有莘之野漢趙岐注在今同州郃  
陽邑之新村舊名秦莊有伊尹墓其東有尹莊即尹生  
處今人猶傳生尹莊乃心因請於地方大吏為樹栢數  
十株立商元聖故里碑于新村之孔道

臣謹按括地志莘野伊尹耕處在夏陽村今郃陽縣  
南二十里夏陽鎮即古村也但後人往往聚訟史記  
殷本紀云帝沃丁葬尹于亳皇覽水經注皆云尹墓

在濟陽已氏平利鄉鶴林玉露云尹墓在空桑北一  
里明一統志尹墓在偃師縣西又歸德府城東穀熟店  
亦有尹墓又杞縣志尹墓在空桑澗伊尹村陳留縣  
志有莘墟莘野門嵩縣志伊水南有空桑澗澗東有  
莘樂溝紛紛指引究無確證要之賢聖流風所被人  
各引而親之亦秉彛好德之公也至尹墓之祀於郃  
遠無可攷然趙岐之注孟子朱子之傳詩經據侃鑿  
且語出大儒自可傳信似無庸更滋疑議矣

周聖母太妣墓同州志在郃陽縣夏陽村之東地為夏陽故城明一統志云城內有太妣墓此夏陽乃唐析河陽置河西縣已而更名者其城在今縣治東四十水經注城南有漢水水南有文母廟

桃林野雍錄春秋時晉侯使詹嘉守桃林之塞杜預曰潼關是也書著武王之事曰歸馬于華山之陽放牛於桃林之野孔穎達引杜預語亦以桃林塞為在關內且曰華山之旁尤乏水草非長養牛馬之地欲使自生至



死以不戰時牛馬不復服乘也

告平城通志在華陰縣敷水之西水經注敷水南出石山之敷谷北逕告平城東耆舊所傳言武王伐紂告太平於此

王宿莊華州志宜氏族譜云宜氏世居華城東北二十里地曰王宿莊古傳周太子宜臼廢出奔曾宿渭陽之濱即此暨踐祚後以封庶子賜姓宜氏

臨晉關通志在朝邑縣東三十里黃河東岸竹書紀年

魏襄王七年秦王來見于蒲坂關史記曹相國世家注  
參以中尉從漢王出臨晉關正義曰在臨晉縣故言臨  
晉關漢書武帝本紀元封六年立蒲津關注師古曰即  
臨晉關北齊書高祖本紀後魏天平二年齊神武遣庫  
狄溫守封陵築蒲津西岸胡三省通鑑注河中西關城  
在河西所以護蒲津浮梁者也唐書地理志蒲津關一  
名蒲坂關柳宗元館驛使記自華而北界於櫟陽其驛  
六其蔽曰同州其關曰蒲津續通典蒲津關戰國時魏

所置自河東而言亦曰蒲坂津自關中而言亦曰夏陽  
津縣志宋大中祥符四年改為大慶關城久圯明嘉靖  
二十年復築萬厯以後河決城毀後河流西徙故關反  
在東岸為舊大慶關今河西亦稱新大慶關有巡檢在

焉

唐元宗早度蒲關詩鐘鼓嚴更曙山河野望通鳴鑾  
下蒲坂飛旆入秦中地險關逾壯天平鎮尚雄春來

津

樹合月落戍樓空馬邑分朝景雞聲逐曉風所希常

通

泰非復候繻同張九齡奉和聖製早度蒲關應制魏

武中流處軒皇問道回長堤春樹發高掌曙雲開龍負

王

舟渡人占仙氣來河津曾日月天仗役風雷東顧重

關

盡西馳萬國陪還聞

股

肱郡元首詠康哉

潼關通鑑地理通釋在華陰縣東北三十九里古桃林塞也左傳晉侯使詹嘉守桃林之塞杜預注潼關是也水經注河在關內南流潼激關山因謂之潼關灌水經通谷述征記所謂潼谷水或說因水以名地也元和郡縣志先名衝關後以關西一里有潼水因以名通典秦函谷關在今靈寶縣界漢武帝徙于新安縣界至建安十六年曹公破馬超于潼關即是中間移于今所後周文帝破東魏軍殺大將竇泰于此改名潼谷關隋大業

七年移于南北鎮城間去舊關四里唐天寶二年移向北近河為路玉海上躋高隅俯視洪流盤紆峻極實謂天險河北岸為風陵津北至蒲關六十餘里迤邐相接自此西望川途曠然蓋神明之奧區也華州志潼關天險南薄關北阻河中通一徑車不方軌一夫當關億萬不能踰也潼關衛志秦嶺南峙太華西聳東南有禁峪之險設十二連城以防秦嶺諸峪北有洛渭會黃河抱關而下

唐太宗入潼關詩峭函稱地險襟帶壯兩京霜峰直臨道水河曲繞城古木參差影寒猿斷續

聲冠蓋往來合風塵朝夕驚高談先馬度偽曉預雞鳴  
棄繻懷遠志泥封負壯情別有真人氣安知名不名崔  
顥題潼關樓詩客行逢雨霽歌馬上津樓山勢雄三輔  
關門扼九州川從陝路去河繞華陰流向曉登臨處風  
煙萬里愁許渾秋日赴關題潼關驛樓詩紅葉晚蕭蕭  
長亭酒一瓢殘雲歸太華踈雨過中條樹色隨山過河  
聲入海遙帝鄉明日到猶自夢漁樵溫庭筠過潼關詩  
地形盤曲帶河流景氣澄明是勝遊十里曉雞關樹暗  
一行寒雁隴雲愁片時無事溪泉好盡日凝眸  
歡色秋塵尾角中應曠望更嗟芳靄隔秦樓

晉城蒲城縣志在縣東南四十里舊傳晉公子重耳出  
亡於蒲所築計公子避難何暇築此傳聞秦孟明敗後  
晉建城為長守也

白起社田澄城縣志在縣北六十里將軍山南有村曰  
社田相傳為起食邑

公孫杵臼程嬰墓通志俱在韓城縣西南保安村

臣謹按韓城縣西南保安村有巨冢三邑志稱趙武  
公孫杵臼程嬰墓何景明雍大記僅稱杵臼及嬰墓  
在縣西南不及趙武蓋嬰杵為文子家臣當日恐未  
必合窆何氏僅稱二人較為有據

彭衙堡通志在白水縣東北六十里元和郡縣志春秋

晉秦戰于彭衙是也杜甫詩夜深彭衙道月照白水山  
鄭桓公墓華州志在州西關路南

子夏石室邵陽縣志在飛浮山史記仲尼弟子列傳注  
索隱曰同州河西縣有子夏石室學堂水經注三累山  
南有石室西面有兩石室北面有兩石室皆因阿結牖  
連扃接闥東廂石上猶傳杵臼之跡似是栖遊隱學之  
所昔子夏教西河疑即此也室西北有子夏墓

秦平舒城括地志在華陰縣西北六里史記秦本紀始



皇使者夜過平舒道有人持辟遮使者曰為我遺瀉池  
君者即此

長城三秦記在蒲城東五十里秦築長城即是塹洛也  
太平寰宇記秦孝公九年作長城簡公二年塹洛今沙  
苑長城是也

漢劉仲城通志在邵陽縣西二里昔漢高祖兄劉仲封

邑于此

唐房彥融劉仲城詩千載遺蹤寄薜蘿沛公鄉  
里漢山河長陵亦是閒坵隴異日誰知與仲多

藏馬谷雍勝略在華岳東漢武帝求仙於華山下造集

靈宮存仙殿望仙門有神鳥自華山出帝令置內棧馬  
不久留令人尋之見在此山谷中石龕下故名藏馬谷  
又曰藏馬龕東北澗中石馬跡尚存

武城通志在華州東二十一里又名光武城乃征隗囂  
時所築遺跡尚存括地志一名武平城

司馬遷墓雍勝略在韓城縣南二十里墓前有坡號司  
馬坡而建祠焉水經注司馬子長墓前有廟廟前有碑  
永嘉四年濮陽太守殷濟瞻仰遺文大其功德遂建石

室立碑樹柏太史公自叙曰遷生龍門是其墳墟所在  
矣縣志太史公墓在芝川鎮南嶺上西枕梁山東臨大  
河古柏數百株蒼勁如鐵冢以石砌上二柏盤踞尤奇  
褚遂良隨清娛墓誌永徽二年九月余判同州夜靜坐  
於西廳若有若無猶夢猶醒見一女子高髻盛裝泣謂  
余曰妾漢太史司馬遷之侍妾趙之平原人姓隨名清  
娛瘞于長樂亭之西不揣人神之隔乞一言銘墓以垂  
不朽余感寤銘之

班超墓華陰縣志在縣西二十里官道旁

楊震墓華陰縣志在縣東三十里白孔六帖後漢楊震  
改葬華陰潼亭先葬十日有大鳥丈餘集震墓前葬畢  
飛去時人立鳥象于墓前名臣奏議唐太宗貞觀十一  
年行幸過漢太尉楊震墓傷其以忠非命親為文以祭  
之僕射房元齡進曰楊震雖當天枉數百年後方遇聖  
君倚輿駐蹕親降神作可謂雖死猶生沒而不朽通志  
華陰縣東震墓前左右共七冢明萬厯初建享堂拓地

三十四畝堂圮

本朝順治丙申副使湯斌重建

華陀墓通志在華陰縣西五里

杜康墓通志在白水縣西十五里

前秦王猛墓通志在華陰縣西三里

唐白樓集古錄同州有白樓唐賢眺詠之所白樂天詩  
煙入白樓沙苑暮

遊春亭雍勝略在鄭縣城東北三里土人呼曰杜基蓋

杜甫謫華州司功嘗題詩其處也又東二里曰西谿

臣謹按同州志云杜詩有鄭縣亭子即今杜基西溪者是攷詩云鄭縣亭子澗之濱戶牖憑高發興新既稱憑高似非西溪低下之所又云雲斷岳連臨大路天晴宮柳暗長春大路地名晉書檀道濟伐姚洪至潼關姚鸞屯大路以絕道濟糧道是也長春宮名在朝邑縣以地形攷之則鄭縣亭子當在華東渭濱之間與杜基西溪似非一處儲光羲詩云朝行敷水上

暮出華山亭又云高館宿初靜長亭秋轉空今華陰  
縣敷水之西有敷西城郭緣生述征記姚苻所置鄭  
縣亭子當即其地爰附著之

睿宗橋陵通志在蒲城縣西北三十里豐山唐書元宗  
本紀開元四年十月庚子葬大聖真皇帝于橋陵長安  
志橋陵封內四十里陪葬太子三莊惠太子惠文太子  
惠宣太子公主三金仙涼國鄭國

元宗泰陵通志在蒲城縣東北三十里金粟山唐書代

宗本紀廣德元年三月辛酉葬至道大聖大明孝皇帝于泰陵長安志封內七十六里陪葬一內侍高力士

憲宗景陵通志在蒲城縣東北三十里金幟山唐書穆宗本紀元和十五年五月庚申葬聖神章武孝皇帝于景陵長安志封內四十里陪葬妃后三懿安郭后孝明鄭后王賢妃

穆宗光陵通志在蒲城縣北二十里堯山唐書敬宗本紀長慶四年十一月庚申葬睿聖文惠孝皇帝于光陵



長安志封內四十里陪葬后二恭僖王后貞獻蕭后

李思訓墓通志在蒲城縣西十五里唐雲麾將軍有李

邕書碑

宋陳搏墓通志在華岳希夷峽關中陵墓志搏隱華陰  
雲臺觀沒于張超谷石室中遺骨為道士時出乞施明  
嘉靖中直指姚一元遷于玉泉院後復瘞峽內斷其鑱  
不可復上

水橋韓城縣志在縣東北禹門每歲大雪時合驚蟄時

解時日不與龍門斷岸危峽河水蔽山而下至此山立  
有神驅之者頃結成橋車馬擔負行同陸路其結其解  
皆以夜間故行者無虞宋建炎元年金人分道而入官  
軍扼于河乃自韓城履冰渡即此

關中勝蹟圖志卷十四

欽定四庫全書

關中勝蹟圖志卷十五

陝西巡撫臣畢沅撰

地理

鳳翔府釋名雍勝略唐至德初置取鳳鳴岐山之義沿  
革一統志治在省城西北三百六十里禹貢雍州之域  
周王畿地春秋時為秦國都始皇時為內史地漢初屬  
雍國後為右扶風地後漢因之三國魏為扶風郡地晉

為秦國地後魏太延二年於雍縣置平秦郡太和十一年兼置岐州西魏改郡曰岐山隋開皇三年郡廢大業初改州為扶風郡唐武德初復曰岐州天寶元年復曰扶風郡至德元載改曰鳳翔郡二載升為西京鳳翔府上元元年置鳳翔軍節度使二年罷京隸關內道五代曰岐州宋曰鳳翔府扶風郡鳳翔軍節度屬秦鳳路金亦曰鳳翔府為鳳翔路治

皇統二年升為府軍名天興大定十九年更名鳳翔軍二

十七年升總管府

元初仍立鳳翔路總管府至元九年更為散

府屬陝西行省明曰鳳翔府屬陝西布政使司

本朝因之領縣七曰鳳翔岐山寶雞扶風郿麟遊汧陽州

一曰隴州 府城通志唐節度使李茂貞建明萬歷二年增築周十二里有奇門四東曰迎恩西曰保和南曰景明北曰寧遠

鳳翔縣釋名通志本雍縣唐改鳳翔義與府同沿革一統志附郭春秋時雍邑為秦都後置雍縣漢屬右扶風後漢及晉因之後魏為平秦郡及岐州治隋為扶風郡

治唐為鳳翔府治至德二載改曰鳳翔縣又析置天興縣寶應元年省鳳翔縣入天興宋因之金大定十年改天興縣曰鳳翔仍為府治元明不改

本朝因之

岐山縣釋名通志本後周三龍縣隋移治岐山南遂改為岐山因山名也沿革一統志治在府東三十里漢右扶風雍美陽二縣地後魏太平真君六年置周城縣屬平秦郡後周廢天和四年改置三龍縣隋開皇十六年

改曰岐山縣屬扶風郡唐屬鳳翔府宋金元明不改

本朝因之

縣城通志唐武德四年建元至元二十五年

明景泰元年先後增築周五里有奇門二

寶雞縣釋名元和郡縣志乾元初改陳倉為寶雞以昔  
有陳倉鳴雞之瑞故名之沿革一統志治在府西南九  
十里秦置陳倉縣漢屬右扶風後漢及晉因之東晉末  
廢改置苑川縣後魏因之西魏復曰陳倉後周兼置顯  
州尋廢隋開皇十八年復置陳倉縣仍屬扶風郡唐屬



鳳翔府改曰寶雞宋金元明不改

本朝因之 縣城通志唐至德中建明景泰二年增築周

二里有奇門三

扶風縣釋名通志唐貞觀初以扶風名縣仍漢右扶風  
名也沿革一統志治在府東一百十里漢美陽縣地唐  
初為岐山縣地武德三年分置滄川縣四年屬稷州貞  
觀八年改曰扶風縣屬岐州至德中屬鳳翔府宋因之  
金改曰扶興尋復故元明不改

本朝因之 縣城通志明景泰元年建因漆滯為池周四

里門七

郿縣釋名通志郿周邑秦以名縣毛萇云文公所營是也沿革一統志治在府東南一百十里漢郿縣屬右扶風為右輔都尉治後漢及晉因之後魏廢太平真君六年改置平陽縣屬武都郡西魏改縣曰郿城後周改置周城縣天和元年於縣置雲州建德三年州廢隋開皇十八年改縣曰渭濱大業二年又改曰郿縣屬扶風郡

義寧二年於縣置郢城郡唐武德初改曰郢州三年州廢縣屬稷州七年屬岐州後屬鳳翔府宋因之金貞祐四年分屬恒州元初升為郢州至元初復為縣屬奉元路明還屬鳳翔府

本朝因之 縣城通志元至大元年建明景泰隆慶間先後增築周三里許門三

麟遊縣釋名通志隋義寧初獲白麟於廢仁壽宮因置縣沿革一統志治在府東北一百二十里秦杜陽邑漢

置杜陽縣屬右扶風後漢初廢永和二年復置仍屬右  
扶風晉廢隋大業初改置普潤縣屬扶風郡義寧元年  
增置麟遊縣兼置鳳棲郡二年改郡曰麟遊兼領普潤  
縣唐武德元年改郡曰麟州貞觀元年州廢二縣俱屬  
岐州後俱屬鳳翔府宋金因之元廢普潤縣入麟遊屬  
鳳翔路明屬鳳翔府

本朝因之 縣城通志隋義寧中建明天順中增築外城  
周九里有奇門三

汧陽縣釋名通志後周縣名太平寰宇記以縣在汧水之陽而名沿革一統志治在府西少北七十里漢置隃麋縣屬右扶風後漢為隃麋侯國晉省入汧縣後周置汧陽縣兼置汧陽郡尋廢郡隋屬扶風郡唐屬隴州宋因之金移隴州來治元仍屬隴州明嘉靖中改屬鳳翔府

本朝因之 縣城通志唐太和中築於北山麓畔元至正二年移今縣西五里界汧暉二河之間明嘉靖二十六

年移建今城周三里有奇門四

隴州釋名元和郡縣志魏改東秦為隴州因山為名沿革一統志治在府西少北一百五十里周時秦汧邑漢置汧縣屬右扶風後漢及晉因之後魏置隴東郡正光三年兼置東秦州孝昌三年廢永熙元年復置東秦州及汧陰縣西魏廢帝三年改州曰隴州縣曰杜陽後周復曰汧陰隋開皇三年郡廢五年改縣曰汧源大業三年州廢屬扶風郡義寧二年復置隴東郡唐武德元年

復曰隴州天寶元年改為汧陽郡乾元元年復曰隴州  
屬關內道天復元年置保勝軍節度宋仍曰隴州汧陽  
郡屬秦鳳路金移州治汧陽元復移治汧源屬鞏昌路  
明初省汧源縣入州屬鳳翔府

本朝因之 州城通志西魏隴州在州南八里周明帝移  
今治明景泰元年改築周五里有奇門四

關中勝蹟圖志卷十五

欽定四庫全書

關中勝蹟圖志卷十六

陝西巡撫

臣畢沅撰

名山

鳳翔府雍山在鳳翔縣西北三十里水經注雍水出雍山通志四面積高曰雍春秋時為雍邑蓋因山得名

靈山在鳳翔縣西二十五里通志一名靈鷲山相近有

彭祖原



五時原在鳳翔縣南二十里史記秦本紀襄公始祠上帝西時文公十年初為鄜時宣公四年作密時封禪書秦文公夢黃蛇自天下屬地其口止於鄜衍史敦曰此上帝之徵於是作鄜時祭白帝宣公作密時於渭南祭青帝靈公作吳陽上時祭黃帝作下時祭炎帝獻公作畦時櫟陽祀白帝及秦并天下諸祠唯雍四時上帝為尊漢二年高祖入關曰吾聞天有五帝而有四何也莫知其說於是高祖曰吾知之矣乃待我而具五也乃立

黑帝祠命為北峙漢書地理志雍縣有五峙水經注五峙祠以上祠祀五帝

臣謹按太平寰宇記作三峙原以秦文公酈峙宣公密峙靈公吳陽上峙在此原故號三峙原也又於扶風縣亦載三峙原云在縣南二十里今考扶風漢美陽地班志既稱五峙皆在雍縣則不得復在美陽意其為複出之誤當以在鳳翔者為正

石鼓原在鳳翔縣南二十里元和郡縣志石鼓文在天

興縣南二十里石形如鼓其數有十益紀周宣王畋獵

之事方輿紀要今原旁亦名石鼓鎮唐韓愈石鼓歌張

生手持石鼓文勸

我試作石鼓歌少陵無人謫仙死才薄將柰石鼓何周

綱凌遲四海沸宣王憤起揮天戈大開明堂受朝賀諸

侯劍佩鳴相磨蒐于岐陽騁雄駿萬里禽獸皆遮羅鑄

功訥成告萬世鑿石作鼓隳嵯峨從臣才藝咸第一揀

選撰刻留山阿雨淋日炙野火燎鬼物守護煩撓訶公

從何處得紙本毫髮盡備無差訛詞嚴義密讀難曉字

體不類隸與蝌蚪年深豈免有缺畫快劍斫斷生蛟鼉

翔鳳翥衆仙下珊珊碧樹交枝柯金繩鐵索鎖紐壯古

鼎躍水龍騰梭陋儒編詩不收拾二雅褊迫無逶迤孔

子西行不到秦持擣星宿遺羲娥嗟予好古生苦晚對

此涕淚雙滂沱憶昔初蒙博士徵其年始改稱元和故

人從軍在右輔為我度量掘白科濯冠沐浴告祭酒如

此至寶存豈多毡包席裏可立致十鼓祇載數駱駝薦  
諸太廟北部鼎光價豈止百倍過聖恩若許留太學諸  
生講解得切磋觀經洪都尚填咽坐見舉國來奔波利  
苔剔蘚露節角安置妥貼平不頗大厦深簷與益覆經  
歷久遠期無他中朝大官老於事詎肯感激徒媿姁姁牧  
童敲火牛孺角誰復著手為摩挲日消月爍就埋沒六  
年西顧空吟哦義之俗書赴娉媚數紙尚能博白鴛繼  
周八代爭戰罷無人收拾理則那方今太平日無事柄  
用儒生重某軻安能以此尚論列願借辨口如懸河石  
鼓之歌止於此鳴乎吾意其蹉跎宋蘇軾石鼓詩冬十  
二月歲辛丑我初從政見魯叟舊聞石鼓今見之文字  
鬱律蛟蛇走細觀初以指畫肚欲讀嗟如箱在口韓公  
好古生已遲我今況又百年後強尋偏旁推點畫時得  
一二遺八九我車既攻馬亦同其魚維鱖貫之柳古器  
縱橫猶識鼎衆星錯落僅名斗糝糊半已似癡膩詰屈  
猶能辨跟肘娟娟缺月隱雲霧濯濯嘉禾秀稂莠漂流

百戰偶然存獨立千載誰與友  
上追軒頡相唯諾下挹冰斯同  
轍教憶昔周宣歌鴻雁當時攝  
史變蝌蚪厭亂人方思聖賢中  
興天為生耆耆東征徐淮闕號  
虎北伐犬戎隨指喉象胥雜沓  
貢狼鹿方召聯翩賜圭卣遂因  
鼙鼓思將帥豈為考擊煩矇瞍  
何人作頌比嵩高萬古斯文齊  
岫嶽勲勞至大不矜伐文武未  
遠猶忠厚欲尋年代無甲乙豈  
有掃除詩書重法律投棄俎豆  
陳鞭杻當年何人佐祖龍上蔡  
公子牽黃狗登山刻石頌功烈  
後者無繼前無偶皆云皇帝巡  
四國烹滅強暴救黔首六經既  
已委灰塵此鼓亦當遭擊拊傳  
聞九鼎淪泗上欲使萬夫沈水  
取暴君縱欲窮人力神物義不  
污秦垢是時石鼓何處避毋乃  
天公令鬼守興亡百變物自閒  
富貴一朝名不朽細思物理坐  
嘆息人生安得如汝壽

杜陽山在鳳翔縣東北二十五里水經注故雍縣有杜

陽山北有杜陽谷有地穴北入不知所極在天柱山南

通志唐岐州刺史柴紹破突厥於杜陽谷即此

已上鳳翔

岐山在岐山縣東北五十里書禹貢導沂及岐孔傳岐山在雍州正義岐在右扶風美陽縣西北詩大雅率西水辭至于岐下周頌彼徂矣岐有夷之行國語內史過曰周之興也鶩鶩鳴于岐山呂氏春秋岐山九山之一也漢書地理志岐山在美陽縣西北中水鄉周太王所邑水經注小橫水歷周原下水北即岐山顏師古曰其

山兩岐俗呼箭括嶺括地志岐山亦名天柱山太平寰宇記周鶯鶯鳴于山上時人亦謂此山為鳳凰堆或云其峰高峻迴出諸山狀若天柱因以為名

箭括山在岐山縣東北六十里一統志亦即岐山其最高處為箭括嶺嶺巔有缺故名或以此為即太王所踰之梁山誤矣通志山之西為三龍山後周以此名縣

謹按

三龍故城  
在縣東北

青峰山在岐山縣南百五十里通志峰巒蒼翠接寶雞

界

輿山在岐山縣南八十里通志有勺泉洞其右有瀑布泉

石樓山在岐山縣南五十里接寶雞界通志山形如樓閣故名上有龍湫禱雨輒應

五丈原在岐山縣南五十里接郿縣界蜀志建興十二年諸葛亮悉大衆由斜谷出據武功五丈原與司馬懿對於渭南分兵屯田為久住之基耕者雜於渭濱居民



之間而百姓安堵軍無私焉水經注渭水逕五丈原北  
渭水南原也又斜水逕五丈原東諸葛亮與步騭書曰  
僕前軍在五丈原原在武功西十里餘魏書地形志平  
陽有五丈原

謹按平陽故城在縣西南

通鑑地理通釋呂祉曰原高

平廣遠行軍者必爭之地雍大記在斜峪口諸葛亮遣

孟談據五丈原即此通志原西有白玉嶺

唐溫庭筠五丈原詩鐵馬

雲雕久絕塵柳陰高壓漢營春天清殺氣騰闕右夜半  
妖星照渭濱上國卧龍空悟主中原得鹿不因人象牀

冰悵無言語從此譙周是老臣

令狐坡在岐山縣南二十里通志一名渭陽坡其下即蓮花灣又縣南二十五里有永樂洞其下有珍珠泉水清澈如珠迸出深丈許

五將山在岐山縣北五十里與麟遊縣接界晉書太元十年慕容冲逼長安苻堅以識書有云帝出五將久長得遂奔五將山為姚萇將吳忠所執水經注扶風杜陽

縣有五將山

謹按杜陽  
今屬麟遊

周原在岐山縣東北四十里雍勝略周太王營邑處詩

周原。膺膺毛傳。周原漆沮之間也。鄭氏詩譜。周原者岐山陽地。屬杜陽地形險阻。原田肥美。水經注。小橫水逕周城。歷周原。下史記正義。岐山下有周原。上置城。通志原東西橫亘地寬平而肥美。

崛山在岐山縣東北四十里。通志一名耆閣山。多石穴。唐時建耆閣。崛山寺山有金仙洞。洞前卧佛一軀。其後有滴泉盈而不溢。山後為石壩嶺。又洞東十里有景陽洞。前有閣。後有流泉。考水經注。西域波麗國有耆閣崛。

山兩峰雙立相去二三里鶯鳥常居其嶺是山之名蓋擬此也

龍尾坡在岐山縣東二十里一統志晉義熙十一年夏將赫連建入新平後秦將姚弼與戰于龍尾堡禽之唐武德七年移岐山縣治於龍尾驛城蓋昔時嘗置堡及驛中和元年鳳翔節度使鄭畋敗黃巢兵於此

鳳凰山在岐山縣北十五里周公廟後通志即鳳鳴處石上有爪跡其山出五色土山下有朝陽洞在周公廟

東又張仙洞相傳張三丰曾寓此在廟西又鳳山洞在張仙洞南

黃卷山在岐山縣北十里通志其山層疊秀麗有似書

卷故名

已上岐山

明月山在扶風縣東北五十里一統志白石燦爛夜有光如月山有清風洞洞口徑尺許風聲常吼其深莫測東接乾州界

吳雙山在扶風縣北五十里通志四峰挿入雲表山陰

屬麟遊界

詳見麟遊

美山在扶風縣西北五十里一統志山產奇石青紺嵌空比於靈壁美水出此

茂陵山在扶風縣東三十里通志陵一作林林壑秀美相傳為漢威侯馬超故居

賢山在扶風縣南二十里通志蹊徑幽奇峰巒峻秀對挹南山遠臨渭水

飛鳳山在扶風縣南一里滯川之南一統志一峰孤峙

勢如鳳翥

已上扶風

太白山在郿縣東南四十里雍勝略舊在武功縣南今屬郿縣水經注太白山在武功縣南去長安三百里不知其高幾何俗云武功太白去天三百山下軍行不得鼓角鼓角則疾風雨至周地圖記山半橫雲如瀑布則澍雨人常以為候語曰南山瀑布非朝即暮唐六典關內道名山曰太白唐書天寶八載太白山人李渾上言有神人言金星洞內有玉版石紀聖皇福壽之符命御

史中丞王鉞入山求獲之於是封太白山神為神應公  
四時祭祀改金星洞為嘉祥洞縣志杜彥達曰太白山  
南連武功山於諸山最為秀傑冬夏積雪望之皓然山  
上有谷春祠山下有太白祠柳宗元曰其地寒冰雪之  
積未嘗已陸龜蒙曰太白山苦寒霜雪常集雖夏五六  
月赫日在上羣峰若焚我獨皓然玉聳一統志鍾西方  
金星之秀闕中諸山莫高於此上有湫池雖三伏亦凝  
冰道書以為第十一洞天通志東麓有三官池

自縣東  
清秋廟



至此三十三里池水清澈禱雨者池西南有大雪巖三  
多取水於此以山高不易到也

官池上至此二十里穿林涉潦有雷神洞再入有巖南  
朝陽洞二仙橋龍盤山西望香烟山為大士佛地

有萬笏山自大雪巖至此三十里初名石壘山以衆峰  
排矗如萬笏改今名又過水七十餘處十里

至石壘山頂一峰挺秀拔峰東南有黑風嶺自獨秀峰  
萃羣峰之中曰獨秀峰

五里一名神會天坡皆黃土自六月朔至月終霧撒嶺  
山顯曰開山其先後為霧雪所塞曰封山人罕至者

西南有松花坪自黑風嶺上至此二十里蒼松數萬叢  
鬱森列登此坪甚險其下有水簾洞

坪西南有二仙山自松花坪至此二十里山有二石如  
人其下有下坂寺又十里至望仙石

二仙山東南有救苦嶺自望仙石至此二十里險峻益  
甚又十里至上坂寺人行亂石

問華確相錯又嶺西南有神窪自寒風關至此二十里皆直上如緣牆壁土人

言太白常放異光現神像或星光如斗大至此鳥獸草木甚稀境凜冽不可處又三里至魔女嶺又三里至東

門天窪東南有冲天嶺自東天門至此四里有雷嶺西南

有分天嶺

自冲天嶺至此五里西風起則山東向陽頗熱山西面風雖大暑若祁寒一山之間寒暄

頓異故名分天嶺西有孤雲窪

自嶺至此五里徑既險峭風復淒寒人行嶺上風起必伏

若起則吹墮如葉矣更有觀雲海處宇宙茫然如在海中窪之上有三山九牙十二重樓諸勝高擢碧空又十

八里至二里闕又里許至金鎖關鳥獸草木絕無矣山勢森羅石貌有若人拱立者行相揖者坐相戲者奇獸

殊者鼎

窪西南有太白池

自金鎖關至此里許池廣三十餘畝清鑒毛髮無寸草點

塵亦無他水族惟龍潛焉池面常放五色光萬字光壽字光珠光油光各肖其類人皮叩則應否則無池為雲霧籠罩

不常見曰封池禱而後雷神池在太白池東南三里池見曰開池餘六池皆然在洞中有亘古凝冰洞

上有石塔名觀星樓二太白池在大太白池西南過稻人有龍鳳二小池窪至此十里池大數畝

三太白池自二太白池至此五里大亦數畝玉皇池在大

太白池東南自三太白池至此十里大二十餘畝東為龍門又上有走馬嶺相傳為山神乘馬處石上蹄跡宛

然佛池在玉皇池三清池在玉皇池西十五里池旁金

病諸池皆神所司凡禱者以黃楮投之誠則楮沈若有掣入者否則楮浮自清湫廟上至三清池計二百九十

里山下有達摩洞在雲庵之後金時雲庵和尚隱此明

山人孫太初亦隱此洞刻達摩像其

石剖之有松柏文人呼為柏朶石俗傳為達摩又有鍾傳法神光處今洞北道旁有雲庵和尚塔銘

呂坪

山不甚高而頂寬平俗傳鍾呂傳道於此其相近有湯峪峪內有金錢石其形上大如房屋下小如

碾盤傍臨深淵視之隱然有金錢

山之西有九窰山其相近有駝羊峰

山之北有四嘴山其上有仰天池山巒若疊嶂逶迤凌

高及登太白峰則俯瞰若岡阜矣

太白山之陽為洋縣境如洋縣之石柱青

山神明琉璃寒泉宋軍華陽福仁女冠金紫三嶺南岐諸山合之皆太白也詳見洋縣唐李白登太白峰詩西

上太白峰夕陽窮登攀太白與我語為我開天闕願乘冷風去直出浮雲間舉手可近月前行若無山一別武

功去何時復見還宋蘇軾太白山下早行至橫渠鎮書崇壽院壁詩馬上續殘夢不知朝日昇亂山橫翠嶂落

月澹孤燈奔走煩郵吏安閒愧  
老僧再遊應春眷聊以記吾曾

臣謹按禹貢終南惇物至於鳥鼠程大昌雍錄謂終  
南既高且廣多產百物故禹貢言終南惇物不當別  
有一山名惇物也嘗攷漢書地理志武功縣太乙山  
古文以為終南垂山古文以為惇物是惇物明是山  
名程說誤矣惟是桑經酈注皆不詳惇物所在而  
太平寰宇記及讀史方輿紀要並於武功縣載之太  
平寰宇記云惇物山即華山之別名自華州華陰縣

東接潼關連亘經於是邑夫華山在渭南今武功縣在渭北相距可五六百里而以為華山連亘所經竊所未喻方輿紀要謂在今武功縣東南一百里既引班志垂山之語又以孔氏謂惇物即太華為誤說彌近似然考今武功縣疆域以渭水為限若漢武功故城在今郿縣境乃在渭南水經注渭水東逕武功故城北南對太白山是也詳繹禹貢文義惇物與終南嶧屬不得謂別在渭水之陽皆由不考今之武功非

漢之武功故有此誤竊以雍州大山莫奇於太華莫長於終南莫峻於太白太華終南皆見禹貢而太白闕如意所謂惇物者唯太白足以當之一統志以郿縣之武功山為即垂山既為可信且與太白本相連屬則以太白為惇物合之班志亦無刺謬謹詳著於此其太乙終南辨見前卷不復列云

武功山在太白山南漢書地理志武功縣東有垂山九域志武功縣有武功山雍大記太白武功二山在郿縣

益舊武功縣地一統志即古垂山俗謠為崧山通志其

山有楓木凹

自凹十五里許至迎仙橋橋北為圖坪庵一名小桃源又十五里有葛仙壇白

鶴峰

在葛仙壇上雲雨皆出其下白鶴仙居之武功水發源其巔相傳為葛仙煉丹池

雷崖在煉

丹池西北遊者必絙掖而升人或褻之即迅雷霆霍故名雷崖上有數十洞恍惚有人居其中可望而不可即

蓋葛仙藏書處

又其阻有齊雲山山徑亦澁惟獵者時入焉

斜谷在郿縣西南三十里史記貨殖傳棧道千里惟褒

斜綰轂其口西都賦右界褒斜續漢書郡國志武功縣

有斜谷蜀志秦宓曰三皇乘祗車出谷口今之斜谷是



也建興六年諸葛亮揚聲由斜谷道取郿十二年亮悉大衆由斜谷出西京賦注褒斜在長安西南南口褒北口斜長四百七十里曹操謂五百石穴魏書正始四年

開斜谷舊道地形志平陽縣有斜谷

謹按平陽今屬岐山界

元和

郡縣志褒斜道一名石牛道宋李子文蜀鑑斜谷在郿縣南谷中皆穴山架木而行通志入谷口二百二十里抵鳳縣西出連雲棧復一百五十里出谷口抵褒城兩崖高峻谷中水南北分流即褒水斜水也又郿閣在斜

谷口益諸葛亮欲伐魏用流馬轉運谷中故先治邸閣

於此後人因建懷賢閣

宋蘇軾至下馬磧憩於北山僧舍有閣曰懷賢南直斜谷口西

臨五丈原諸葛孔明所從出師也南望斜谷口三山如大牙西臨五丈原鬱屈若長蛇有懷諸葛公萬騎出漢

巴吏士寂如水蕭蕭聞馬過公才與曹丕豈止十倍加顧瞻三輔間勢若風捲沙一朝長星墜竟使蜀婦髮山

僧豈知此一室老烟霞往事逐雲散故山依渭斜客來空弔古清淚落悲笳又自陽平至斜谷宿於南山中蟠

龍寺詩橫槎晚度碧澗口騎馬夜入南山谷中暗水響瀧瀧瀧嶺上疎星明煜煜寺藏崑底千萬仞路轉山腰

三百曲風生飢虎嘯空林月黑驚麕窟竹入門哭兀見深殿照佛青燐有殘燭媿無酒食待遊人旋斫山松

炎溪藪板閣獨眠驚旅枕木魚曉動隨僧粥起觀萬瓦鬱參差目亂千巖散紅綠門前商賈負椒莠山後咫尺

連巴蜀何時歸耕江上  
田一夜心逐南飛鵠

五丈原在郿縣西南二十五里接岐山界通志渭水南

原也有蘭坑膏腴可田

詳見岐山

馬家山在郿縣西南十五里紅崖頭水經注渭水東逕

馬家北諸葛亮與步騭書曰馬家在武功東十餘里有

高勢

謹按舊志衙嶺山在縣西南十五里俗呼馬鞍山今考馬鞍山即馬家之訛若衙嶺山在褒城界去

此尚遠不應渭水經其地也

積石原在郿縣西北二十五里接岐山縣界魏志青龍

二年諸葛亮出斜谷田於蘭坑時司馬宣王屯渭南郭  
淮策亮必爭北原遂先據之晉書時亮上五丈原將北  
渡渭郭淮與亮會於積石臨原而戰亮不得進還五丈  
原水經注渭水東逕石原即北原也通典郿縣有東積  
石原西積石原縣志原距五丈原二十五里又馬頭原  
在清湫堡南苻登破姚萇於此

秦王嶺在郿縣東十里其稍西曰小秦王嶺有石表曰  
東西嶺喉通志舊傳唐太宗居藩時屯牧於此又或謂

秦文公營邑處皆無據按晉載記苻健據關中嘗稱大單于秦王傳至登破姚萇於馬頭原後萇又滅登亦自稱秦王則郿固二秦戰場也嶺蓋以此得名

已上  
郿縣

陳倉山在寶雞縣東南四十里雍大記亦名寶雞山通志又名雞峰史記封禪書秦文公十九年得陳寶於陳倉北坂其神若雄雞水經注陳倉縣有陳倉山山上有寶雞祠昔秦文公感伯道之言遊獵於陳倉遇之於北坂得數石焉其色如肝歸而寶祠之故曰陳寶其來也

自東南輝煌聲如雷野雞皆鳴故曰雞鳴神也縣志三

峰並峙為縣之勝

謹按雉所止處名曰雉城

秦嶺在寶雞縣南六十里雍勝略南山之脊也

謹按此與隴州

秦嶺各自一山亦非藍田之秦嶺秦地南山皆稱秦山故其名特多云

石塔山在寶雞縣東南七十里通志其形如塔上有石

盆旱禱輒應其麓有烟霞洞在磻溪谷中相傳為王喬

修仙處又相近有響靜山祖佛洞洞懸峭壁棧梯而上

傍有湫池禱雨輒應

煎茶坪在寶雞縣西南六十五里通志相傳漢高祖引兵由故道出駐馬於此

和尚原在寶雞縣西南四十里宋中興四朝志和尚原鳳之東境抵鳳翔不能百里自兩當縣直出鳳州取大散關距和尚原纔咫尺文獻通考在大散關之東距寶雞兩驛過此則路徑散漫無所限隔

大散嶺在寶雞縣南五十二里通鑑光啓二年上自寶雞幸興元使王建負傳國璽從登大散嶺胡三省注嶺

在梁泉縣松嶺堡南

謹按梁泉  
今屬鳳縣

香巖在寶雞縣南二十里縣志其相近有天真洞相傳  
為邱長春修真處

佛巖在寶雞縣西四十里通志洞開陡壁飛閣懸樓頗  
為奇麗

石鼓山在寶雞縣東二十里縣志山麓舊有石如鼓者  
十今在國子監一統志按諸志皆以山因石鼓而名然  
劉昭郡國志注引三秦記云陳倉縣有石鼓山將有兵



此山則鳴似又不因石鼓得名也

大蟲嶺在寶雞縣東北十五里一名西平原接鳳翔縣界宋史紹興十年吳璘楊政與金將薩里罕夾渭而軍璘置軍大蟲嶺薩里罕覘之曰善兵者立於不敗之地此難與爭遂引去縣志西平原據高峻處故謂之嶺

見互

翔鳳

陵原在寶雞縣北通志金陵河逕其左故謂陵原其脈自吳山延亘而來至此形如屏障為邑之主山

益門山在寶雞縣西南十五里雍勝略即秦嶺北麓之  
峪通志山巖險阻凡有事梁益者必取道於此故曰益

門已上  
寶雞

馬脊山在汧陽縣南二十里通志山有秦王洞石穴深  
數丈寒冽逼人

箭枯嶺在汧陽縣南十里一統志舊置闕於此又蛇兒  
嶺在縣東五里勢如長蛇

石墨洞在汧陽縣東南三十里石門遺事洞產石墨漢

尚書令僕丞郎月給階廩墨二枚或即此然墨粗不堪

用已上  
汧陽

吳雙山在麟遊縣東南四十里接扶風界通志山有四

峰北曰接辰南曰睽斗東曰萃旭西曰落照俗呼四堆

山又名四峰山又名吳重山險峻可資戰守

互見  
扶風

箭括山在麟遊縣南五十里接岐山界通志嶺懸天半

形勢嵯峨隋時伐山除道以通仁壽宮宋時金將尼瑪

哈攻此吳玠遣兵擊破之蓋邑之險峻處也

互見  
岐山

五將山在麟遊縣西南五十里接岐山界水經注瀆魋水東歷五將山金史地理志麟遊縣有五將山通志此當別為一山非醴泉之五將山也

互見岐山

魚塘峽在麟遊縣南二十里通志怪石錯出層稜如削石臼山在麟遊縣南稍東十里通志兩掖橫起如罩中有靈湫將雨則雲自池中起旱禱有應山後石室有搗藥杵臼益古仙丹灶處其石壁絕頂可望邠乾相傳唐太宗每幸九成宮使徐世勣屯軍於此營壘遺址尚存

青蓮山在麟遊縣西南二十里雍勝略其形似蓮草木  
葱翠通志九成宮之屏山也

寶玉山在麟遊縣西七十里有石紅白相雜若玉

杜山在麟遊縣西五十里通志杜水所出

龍窩峽在麟遊縣西二十五里通志山水奇麗曲折入  
勝

天臺山在麟遊縣西五里即九成宮故墟其陽崇巖岬  
起上有蒼松古栢

鳴鳳山在麟遊縣西五里一統志與天臺山相對小石  
孤立狀如島嶼相傳嘗有鳳凰鳴其上亦名鳳臺山又  
屏山在山之北蒼崖百尺狀如屏障巨石危懸若墜有  
泉自崖半石罅中出亦名滴水崖

加伏山在麟遊縣西北四十里通志羣山環拱聯絡數  
十里接靈臺縣界

石鼓峽在麟遊縣北十里通志澄水所經峽凡三折奔  
濤激浪如喧雷鼓

紫石山在麟遊縣東二十里通志山石皆紫故名山半有瀑布自石腹中出直下層崖有龍飛鳳舞之勢

催木嶺在麟遊縣東北四十里縣志隋仁壽宮自渭水

運木經此因名通志按太平寰宇記縣東北五十里有

崔模廟疑當為崔模嶺縣志所云殆訛傳也

謹按今所見太平寰

宇記正作崔模嶺不言有廟通志所據之本豈有異歟一統志亦作崔模嶺已上麟遊

吳嶽在隴州南七十里書禹貢導岍及岐孔疏在扶風汧縣西周禮職方氏其山鎮曰嶽山鄭注吳嶽也在汧

爾雅吳山為河西鎮史記封禪書自華以西名山曰嶽  
山吳嶽漢書地理志汧縣吳山古文以為汧山續漢書  
郡國志汧縣有吳嶽山本名汧水經注汧水發南山西  
側俗以此山為吳山三峰霞舉疊秀雲天望之常有落  
勢國語所謂虞矣

謹按古字  
虞吳同

元和郡縣志山在吳山縣

西南五十里秦都咸陽以為西岳今為國之西鎮山國  
語謂之西吳太平寰宇記郭璞曰吳岳別名開山圖書  
編山有五峰一曰鎮西二曰大賢三曰靈應四曰會仙



五曰望輦通志吳山為峰十有七得名者五鎮西峰

在四

峰之中卑而獨秀諸峰列峙初錫封號即此峰

大賢峰

在嶺西峰左秀拔突起有儼然拱肅之象毓秀

峰凝翠峰俱在峰之左

靈應峰

在鎮西峰右擎天峰在靈應峰左凌雲峰在靈應峰右晴巖在靈應

峰下巖高千丈飛流漂漾若晴日飛雨然判官池在晴巖下有元鶴二巢於崖中時翔翔於五峰上又一天門

在振衣亭上由石磴而上恍若登天又真人洞在一天門右相傳吳真人修煉於此有秋在洞上樹心內澄水

一泓早亦不竭又靈秋在靈應峰下廣丈餘歲旱禱雨輒應又餐霞洞在靈應峰左小峰下又棲霞島在靈應

峰前一阜哭起時有霞彩下有倚雲樓嘯月臺又閻王碓在棲霞島上石磴峻險故名又雷神洞在靈應峰右

上有湫又玉皇洞在雷神洞右有湫又鳳凰石巢在山頂人跡罕到舊志有鳳凰巢焉五峰靈應為最高尤多

奇勝其上舊會仙峰在靈應峰南層巒疊翠林壑幽窈

有靈應宮又大王湫在會仙峰左又牛心石

狀如牛心陰望輦峰在大賢峰左秀並羣峰形若北顧

峰並在望輦峰左右小錦屏大錦屏並在望輦峰下相去一里許聳峭壁立環列若屏又有筆架

山在岳廟前山勢逶迤宛王師嶺在筆架山天池奧區

在五峰谷口兩山對峙一水並在隴州南五峰之前皆

前流奇峰翠嶺深邃莫測

入嶽之所必經也唐周鉞登吳嶽賦吾嘗文戰將北羈

齊由是邀崖谷遂攀躋入雲靄出沈泥既臻頂上用視

天倪雁塞殊小峨嵋甚低益以氣壯坤扶雄標國祚揖

白帝兮不見抱皇城而自固嵐光擁翠拓開霄漢之心

岫色橫空鎖斷來之路嵒嶠旁疎峒堯上干碧草春

含清風夏寒遙瞻魏闕迴立烟密疑起洞府謂在天壇  
中隱深溪日月之光不到外連層阜龍蛇之勢斯蟠當  
具區宇正寧氛埃初見覽造化之宏制識乾坤之設險  
汧水縈盈而線走隴山荊施而螺掩西窺劍閣霜地表  
之千蟬東瞰蓬萊黛波間之數點遐徵衆岳式並隆崇  
彼皆受封於百代此獨不視於三公森笋立以削成寧  
慚太華照雲凝而化出豈讓維嵩沉乎萬仞凌虛千里  
倒影虎踞華裔鯨吞遐境壘嶽攢壁迴巖列屏捍絕域  
以增隘固中原之堪永直使以禮賓九有仁服八荒臂  
賢為輔弼宅道為封疆亦須假我嚴衛憑我巨防靜藩  
垣於都邑遠隔閼於氏羌吾唐重其功崇其鎮爰申成  
德之號用補極天之峻小儒是以竟日興感抽毫賦韻  
登咏畢兮後進  
指長安而後進

汧山在隴州西四十里雍大記汧水所出隋書地理志

汧源縣有汧山史記注汧一作岍按有汧水故其字或從山或從水括地志山在汧源縣西四十里東臨岐岫西接隴岡元和郡縣志山在縣西六十里北與隴山接

禹貢導汧及岐是也

太平寰宇記同

臣謹按史記自華以西名山七既無岍山且析吳嶽與嶽山為二兩漢志及酈道元孔穎達皆謂吳山即汧山通典元和郡縣志太平寰宇記及隴州志隴蜀餘聞諸書皆謂吳與汧自是兩山一統志折衷其說

則謂脈絡相連在古只是一山通志亦云岍山即吳岳之支考汧水之源一西出岍山一南出吳岳之陰故禹貢導汧釋之者或指吳岳或指岍山安得謂其絕不相屬而胡渭禹貢錐指云吳山漢志雖云在縣西而岡巒綿亘延及其南與嶽山本是一山自周尊岍山曰嶽山俗又謂之吳山或又合稱吳嶽而岍山之名遂隱其實此二山者周禮總謂之嶽山禹貢總謂之岍山當以漢志為正胡氏之論尤為昭晰然則

吳嶽與岍山不當分而為二也朱鶴齡云商周之世  
疑以岍為西嶽故爾雅職方皆名嶽山夫商不可知  
若周都鎬京辨方正位則太華在其東而岍在其西  
以岍為西方衆山之長乃副其實秦都咸陽以為西  
嶽周制當已先之矣通志云吳山西北諸山之綱紀  
衆水之統宗宜乎享明禋而膺顯號詎不信歟

隴山在隴州西六十里接鞏昌府界通志即隴坻一名  
隴坂詩坂有漆正義隴坂也即今隴山漢書地理志隴

西有隴坻在其西武帝紀元鼎五年十月行幸雍遂踰隴登空同西京賦右有隴坻之隘三秦記汧水出縣西山世謂之小隴山高嶮不通軌轍即古隴坂也其坂九迴不知高幾許欲上者七日乃得越高處可容百餘家有清水四注下即隴頭水也秦州記隴山東西一百八十里登山東望秦川四五百里極目悵然山東人行役升此而顧瞻者莫不悲思故為之歌隋地理志汧源縣有隴山元和郡縣志小隴山在吳山縣西四十里

謹按吳山

故城在通鑑注小隴山在南由縣西北謹按南由故雍城在州南

勝略山高而長多鸚鵡亦名鸚鵡山雍大記南踰岍隴

北接沙漠其名有四一曰槍竿嶺一曰米高山一曰湫

頭山一曰龍江峽漢屬漢陽郡刺史治名隴坻即祭遵

破王元兵處通志上有懸溜澗為澄潭名萬石潭流溢

散下皆注於渭

梁元帝隴頭水詩街悲別隴頭閼路漫悠悠故鄉迷遠近征人分去留沙飛曉

成幕海氣夜如樓欲識秦川處隴水向東流唐翁綬隴頭吟隴水潺湲隴樹黃征人隴上盡思鄉馬嘶斜日朔風急雁過寒雲邊思長殘月出林鳴劍戟平沙隔水見牛羊橫行俱是封侯者誰斬樓蘭獻未央



關山在隴州西八十里州志其山高峻盤折而登經五十里始至絕頂為秦鳳要害產鸚鵡又二十里有天井山山頂有井四時不涸皆隴山之異名也

秦嶺在隴州西南九域志隴州隴安縣有秦嶺山

謹按隴安

故城在隴州東南通鑑地理通釋晁氏以為隴山秦嶺皆古之岍

雍勝略秦嶺在隴安舊縣因西秦地勢相連其山高於諸岫故名

金門山在隴州西南百里天井山東南一統志兩山對

峙如門渭水流其中水經渭水東南出石門疑即此  
方山原在隴州西南一百四十里一統志晉隆安初武  
都氐屠飛啖鐵等叛屯據方山原宋紹興中吳玠與金  
人戰於此宋會要載紹興十一年金求商州及和尚方  
山二原許之於是遂以大散關為界

青陽峽在隴州西南七十里

唐杜甫青陽峽詩塞外苦  
厭山南行道彌惡岡巒相

經亘雲水氣參錯林迴峽角來天窄壁面削磧西五里  
石奮怒向我落仰看日車側俯恐地軸弱魑魅嘯有風  
霜霰浩漠漠憶昨踰隴坂高秋視吳岳東笑蓮花卑北  
知崆峒薄超然作壯觀已謂殷寥廓哭兀猶遊人及茲

嘆冥

慈山在隴州西四十里水經注汧水東歷慈山通志相

近有白環谷白環水所出在汧源舊縣界

謹按汧源故城在州東南

蒲峪在隴州西二十里漢書地理志汧縣北有蒲谷鄉

弦中谷

謹按汧縣故城在州東南

龍盤山在隴州東南百二十七里隋書地理志南由縣

有盤龍山通志在吳山舊縣東南七里山勢盤曲如龍

故名即龍盤山

西秦山在隴州東南百里雍大記在隴安舊縣北二十里通志其上有秦王試劍崖

塔兒峽在隴州東南四十里通志旁有石洞數丈可容百餘人青山環寺一水七折方出峽口有三股水合流注下絕為神異


景福山在隴州西北六十里通志一名龍門山有龍門洞山水奇秀又有鳳爪朝元定心三峰其下有甘露泉青崖山在隴州北四十里通志高峻秀聳上有清涼寺

清泉涌流旱禱有應

丹陽洞在隴州北里許通志相傳為馬丹陽成仙處有

柏分十股中有清泉四時不涸

已上隴州



關中勝蹟圖志卷十六

欽定四庫全書

史部

關中勝蹟圖志卷十七

詳校官太僕寺少卿臣李廷欽

編修臣程嘉謨覆勘

總校官進士臣朱鈐

校對官助教臣胡予襄

謄錄監生臣呂沛惇

欽定四庫全書

關中勝蹟圖志卷十七

陝西巡撫臣畢沅撰

大川

附水利

鳳翔府雍水在鳳翔縣南又東南流入岐山界水經注  
雍水出雍山東南流歷中牢溪世謂之中牢水亦曰水  
井水南流而左會左陽水又與東水合世亦名之為萍  
空水又東流鄧公泉注之

汧水在鳳翔縣西三十里自汧陽縣流入通志一名汧陽河

返眼泉水在鳳翔縣西北三十里即東水水經注東水北出河桃谷南流右會南源世謂之返眼泉亂流南逕岐州城東而南合雍水州居二水之中南則兩川之交會也通志泉出似人返眼故名

塔寺水在鳳翔縣東二里即左陽水一名西水水經注左陽水世名之西水北出左陽溪南流逕岐州城西又



南流注於雍水縣志左陽水行十里至西平伏不見伏  
三十里至三岔復出東流合於塔寺河府志塔寺河在  
城東從西來轉南達於雍水又鳳凰泉在城西北遠城  
而流南合於塔寺河

鄧水在鳳翔縣北十里即鄧公泉水經注水出鄧艾祠  
北故名數源俱發逕雍縣城南又東流注於雍水

橫水在鳳翔縣東三十里一名小橫水一名杜陽川又  
名夜叉河東南流入岐山界水經注杜水出杜陽山其

水南流謂之杜陽川又東南流左會漆水俗謂之小橫水

東湖在鳳翔縣東門外一統志即宋蘇軾詩鳳翔八觀之一也岐州水苦鹽濁獨此水味絕甘美多芰荷脩竹

為郡中遊覽之勝通志其水南流入雍水

宋蘇軾東湖詩吾家蜀江

上江水綠如藍邇來走塵土意思殊不堪況當岐山下風物尤可慙有山禿如赭有水濁如泔不謂郡城東數步見湖潭入門便清奧恍如夢西南泉源從高來隨波走涵涵東去觸重阜盡為湖所貪但見蒼石螭開口吐清甘借汝腹中過胡為目眈眈新荷美晚涼輕棹極幽探飄飄忘遠近偃息遺佩簪深有龜與魚淺有螺與蚶

曝晴復戲雨，戢戢多於蠶。浮沈無停餌，倏忽遽滿籃。絲  
絳雖強致，瑣細安足戢。聞昔周道興，翠鳳棲孤巖。飛鳴  
飲此水，照影弄毳毼。至今多梧桐，合抱如彭聃。翠羽無  
復見，上有鸛鶉搏。鶉嗟予生雖晚，好古意所姚。圖書已漫  
漶，猶復訪僑郢。卷阿詩可繼，此意久已含。扶風古三輔，  
政事豈汝諳。聊為湖上飲，一縱醉後談。門前遠行客，劫  
劫無留勝。問胡不回首，無乃趁朝參。予今正疎懶，官長  
幸見函，不辭日遊再行，恐歲滿三暮歸，仍倒載鐘鼓已  
歸。

臣謹按方輿紀要鳳翔東湖為雍渭二水所溢今攷

雍水在湖下流若渭水則相距頗遠無由溢入嘗閱  
宋蘇軾詩泉源從高來隨波走涵涵東去觸重阜盡

為湖所貪。今城西北有鳳凰泉，繞城而流，南合於塔寺河。詳軾詩意，乃因泉水涓流匯而為澤。軾詩又云：聞昔周道興，翠鳳棲孤嵐。飛鳴飲此水，照影弄毵毵。自注：此飲鳳池也。益可見即泉之所緒矣。當日湖潭清奧，與漢陂輞水並傳名勝。歲久就堙，舊有湖亭及軾祠宇，亦多傾圯。臣於乙未春初，護送川師入蜀，經歷鳳翔，飭為重加葺治。灌莽既闢，清流瑩然。蒲稗因依，榆柳映蔚。庶幾昔賢遺跡，復還舊觀。按軾八觀詩：

一為石鼓舊在縣南二十里石鼓原唐鄭餘慶守鳳翔遷之孔廟軾時猶及見之大觀中移置汴京元皇慶二年復輦致大都今在國子監一為詛楚文軾詩自注碑獲於開元寺土下今在太守便廳按詛楚文傳有數本今石碣均已湮沒一為開元寺王維吳道子畫一為天柱寺楊惠之塑維摩像今二寺雖有其名不特畫壁塑像久而不存即梵宇亦俱非舊制一為李氏園禾黍彌望一為真興寺閣故址莫尋惟秦

穆公墓在城東南隅今置守冢而東湖尚為歧下勝遊八觀陳迹遺留僅此而已

飲馬池在鳳翔縣南七里相傳為秦穆公飲馬處

索泉在鳳翔縣城內東南隅通志其泉注水旋盈旋涸有似無底故名索泉

謙泉在鳳翔縣東關外通志泉甘可飲盈而不溢有似乎謙故名

虎跑泉在鳳翔縣東北十五里通志在大像寺前一名

金沙泉

已上鳳翔

渭水在岐山縣南四十里自寶雞界流入又東入郿縣界水經注渭水自合磻溪水又東逕石原南又東逕五丈原北又東至郿縣

白玉溝水在岐山縣南五十里通志渭南小水也源出五丈原西北流入渭

斜谷河在岐山縣南自褒城界流入又東北至郿縣界入渭史記河渠書褒水通沔斜水通渭褒之絕水至斜

間百餘里括地志斜水出衙嶺山與褒水同源而派分  
通志桃川在縣南百五十里其水出大山中流為斜谷  
水逕太白峽斜谷關北流入渭一名石頭河又青峰澗  
水在縣南百五十里桃川西朱石澗水在縣南百一十  
里俱在斜谷關內繚曲四十里北流入渭

雍水在岐山縣南十里自鳳翔界流入又東入扶風界  
水經注雍水自合鄧公泉又東逕召亭世謂之樹亭川  
蓋召樹聲相近而誤耳又東南流與杜水合

謹按今雍水在岐山



者俗名濰河一名後河至扶風縣合滯水自下  
又通名為滯水亦名白水皆即雍水之訛也

橫水在岐山縣南三里自鳳翔界流入合雍水通志即  
杜水水經注杜水東南合漆岐二水俗謂之小橫水或  
名之米流川逕岐山西又屈逕周城南又厯周原下自  
下亦名岐水又東逕姜氏城南為姜水與雍水合縣志  
潢河一名水南河自鳳翔界流來合潤德泉水又逕縣  
西有南寺溝水自寶相寺南流入之又八畝溝水自縣  
城北來流入之潢河又東南流會濰河為交河亦名雙

溪

謹按潢河即橫水亦以木而訛水也

潤德泉水在岐山縣西北十五里周公廟後通志即古

卷阿也唐大中元年十月大風忽作飛泉噴湧節度使

崔珙上其事褒賜今名又流逕縣西七里為佛兒溝

宋蘇

賦周公廟詩廟在岐山西北七八里廟後百許步有泉依山湧冽異常國史所謂潤德泉也吾今那復夢周公尚喜秋來過故宮翠鳳舊依山碑兀清泉常與世窮通至今遊客傷離黍故國諸生詠雨濛牛酒不來烏鳥散

白楊無數暮號風

渭水在岐山縣東又東南合雍水流入扶風界漢書溝

洫志關中有滹渠如淳注滹水出滹谷元和郡縣志扶  
風縣南滹川水近代謠作圖太平寰宇記源出縣東北  
六里滹谷東縣志滹水一名白水亦名圖川唐以此名  
縣又魯班溝水在縣東十里龍尾溝水在縣東二十里  
麻葉溝水在縣東二十里俱有小水南流入交河通志  
按太平寰宇記則滹水出於縣境當即魯班溝諸水乃  
今皆直指雍水為滹川矣

岐水在岐山縣北源出麟遊縣普潤里東南流入漆水

斜谷河渠在岐山縣南一百五十里一統志一名石頭

河其水灌田甲於他處

已上岐山

雍水在扶風縣南門外自岐山界流入又東入武功界

水經注雍水自合姜水又東逕美陽縣之中亭川

謹按美陽

故城在縣北

元和郡縣志滹川縣以縣滹水為名

謹按唐滹川縣即今

治縣志滹水一名白水即雍水城數患水勢衝激明知

縣黃鉉築隄植柳以障之今隄尚存

時溝河在扶風縣東十步俗名漆水通志源出縣西北

五十里自岐山界龍泉寺流來至縣東門外合滯水

謹按

此水入雍水與麟遊縣入小橫水之漆水別為一水縣志引綿詩疑誤

美水在扶風縣東十五里一名浪店溝通志源出美山  
逕美陽故城至縣東浪店南入滯水又石槽澗在縣北  
鳳泉西兩山壁立古柏從石罅中出狀如龍蛇其下為  
石澗波濤漱激秦川水在縣東北二十五里源出呂寨  
之溫泉隆冬不冰南流合於美水

信義泉在扶風縣東二十里信義村通志形如盆口隨

汲隨盈不汲亦不溢其味甘冽

鳳泉在扶風縣東北五十里雍勝略在明月山西相傳  
文王時鳳鳴岐山曾飲於此通志泉在天度鎮北十里  
其泉為渚水時或溢出檻外已復縮入有禱輒應人稱  
靈異又明月山陰有碗泉在鳳泉之後水自石罅下注  
於石其形如碗故名又馬泉在鳳泉東十里

已上  
扶風

渭水在郿縣北三里自岐山界流入又東入藍屋界水  
經注渭水東逕積石原又東逕五丈原北又東逕郿縣

故城南又東逕武功縣北斜水自南注之又東逕馬冢北又逕武功縣故城北又東合雍水通志渭河自入縣界逕西磴汶家村又逕縣北東流過槐芽鎮柿林里至龍舞屯凡流七十五里出縣界

斜谷河在郿縣西南三十里與岐山接界漢書地理志武功縣斜水出衙嶺山北至郿入渭水經注斜水出武功縣西南衙嶺山北歷斜谷逕五丈原東以出武功縣亦謂之武功水其水北流注於渭通志斜谷河分導縣

境者曰清水河逕馬鞍山循紅崖東北流二十里入渭源微而委緩清澈可鑒故名其東導一派曰磨渠河逕景家橋與蒼龍谷水合亦曰蒼谷水東入乾溝河以在城南亦名南河

乾溝河在郿縣東五里通志其源有五一名五谷水一曰磨石谷水出滴水崖合井索谷水水出觀音池逕曲兀堡合萬戶谷水又逕西梁閣合桐谷水稍東又合駱谷水逕洪寺谷合流紆曲四十餘里雨澇時五谷水皆



會旱則絕流故名乾溝

謹按此駱谷別是一水非盤屋之駱谷水也

赤谷水在郿縣東二十五里縣志駱谷之東有赤谷水俗呼紅河源出太白湫名太白峽水自山巖噴飛而下出谷分三派其逕河底注渭者曰洪溝河又名甯曲河其逕第二坡由教坊注渭者曰教坊河其逕馬頭原清湫里者曰清湫河北流二十里入渭又有黑谷水在赤谷水東出於滴水崖在南山寨坪坪下有潭清澈見底再南即四嘴山有白馬仰天池或曰即谷水之源也北

流入於清湫河

山河在郿縣東三十里清湫河東通志源發太白湫出  
潭谷口流二十餘里為槐芽泉其水湍激西流注於渭  
湯谷河在郿縣東五十里唐書地理志郿縣有鳳泉湯  
通志隋唐之鳳泉縣以此名

謹按鳳泉故城在縣東

湯為隋唐勝

蹟其南有魚洞每歲穀雨前有金鯽浮游少焉大魚湧  
出三日乃止有鱗鬣異常者亦名魚龍泉其水出碌碡  
崖逕鍾呂坪出谷口北流二十五里入渭以源發湯谷

又名湯谷河

兩谷河在郿縣東通志大振谷水俗稱仙人峽水在湯谷東源出燕子窩北流二十里至睡佛寺與常谷水合名為兩谷河河有怪石多沙又名沙河北流二十里至太白廟入渭其常谷水俗訛為泥谷源出掃帚嶺北流合大振谷水入渭

謹按常谷水亦見藍屋

石麓廟渠在郿縣南三十里通志引斜谷關水以達於石麓廟堡之前後左右分為四渠頗資灌溉

金渠在郿縣東南二十里通志引洪溝河水至甯曲堡甯曲地皆砂石不能鑿井康熙八年知縣梅遇鑿石開圳以通水路自甯曲以上為居民食水自甯曲而下灌坂下田數百頃甯渠民居成集遂興市集名曰金渠集

已上  
郿縣

渭水在寶雞縣南一里自隴州流入又東入岐山界水經注渭水東與楚水合又東入散關又東逕西武功北與扞水合又東右合南山五溪水諸澗流注之又東逕

陳倉縣西陳倉水東南注之渭水又東與綏陽溪合又

東逕郁夷故城南汧水入焉渭水之右礪溪水注之又

東逕石原

謹按西武功故城在縣西南又按太平寰宇記郁夷故城在隴州西則渭水不應逕陳倉

而復逕郁夷也  
疑傳寫之誤

陸川在寶雞縣西二十五里通志即楚水一名長蛇水  
水經注楚水南流逕長蛇戍又南流注於渭

塔河在寶雞縣西南十五里自鳳縣界來東北流入於  
渭通志即汧水水經注汧水經故道縣西又東北歷大

欽定四庫全書

卷十七

散關入渭

謹按故道縣今屬鳳縣

清澗河在寶雞縣南五里東北流入渭通志瀑布泉在縣西南七十里出煎茶坪山頂懸流如布即清澗河源

也

謹按此當即酈注之五溪水也

金陵河在寶雞縣東五里源出五峰山南流入渭通志在渭水北自隴州流入縣境又南逕陵原入渭

清水在寶雞縣東南二十里通志即陳倉水水經注陳倉水出陳倉山下東北流注於渭

汧水在寶雞縣東三十里自汧陽界流入又東南入渭

水經注汧水逕郁夷縣又逕平陽故城南又東流注於

渭水

謹按平陽今屬岐山縣

通志一名汧陽河出隴州北入境東

南流六十里入渭

洛谷水在寶雞縣東南六十里源出南山北流入渭通

志卽綏陽水水經注綏陽溪水上承斜水自斜谷分注

綏陽溪北屈陳倉入渭

箕谷水在寶雞縣東南六十五里源出箕谷北流三里

入渭方輿紀要蜀漢建興六年諸葛亮以大兵出祁山揚聲由斜谷道取郿使趙雲鄧芝為疑兵據箕谷是也有箕谷水出焉又溫水谷亦在縣東南四十里溫水出焉北流入渭

磻溪在寶雞縣東南八十里一名茲泉一名慈泉一名璜河呂氏春秋太公釣於茲泉水經注磻溪水出南山茲谷乘高激流注於溪中溪中有泉謂之茲泉泉水潭積自成劉渚今人謂之几谷東南隅有石室蓋太公所



居也水流次平石釣處即太公垂釣之所也其投竿跪  
餌兩膝遺跡尚存其水清冷神異北流十二里注於渭  
括地志慈泉出岐山縣西南凡谷通志璜河在渭水南

源出秦嶺北流五十里入渭

唐梁肅碯溪銘至人無心與道出處處則土木出則

雷雨惟殷道絕粵有尚父爰宅於幽盤桓草莽天地闔  
闢陰陽運行明極而昏昏極而明遇主水濱謀泰八紘  
牧野桓桓一麾而平惟彼日月得天而光惟彼聖賢得  
時而彰獨夫昏迷我乃豹藏文武作周我乃鷹揚故曰  
大道無體大人無方運用變通至虛而常作銘碯溪今  
古茫茫宋蘇軾碯溪石詩墨突不暇黔孔席未嘗煖安  
知渭上叟跪石留雙肝一朝嬰世故辛苦平多難亦欲  
就安眠旅人譏客懶又禱雨碯溪詩龕燈明滅欲三更

歌枕無人夢自驚  
深谷留風終夜響  
亂山銜月半牀明  
故人漸遠無消息  
古寺空來看姓名  
欲向磻溪問姜叟  
僕夫屢報斗杓傾  
又五更起行至磻  
溪未明詩夜入磻  
溪如入峽照山炬  
火落驚猿山頭孤  
月耿猶在石上寒  
波曉更喧至人舊  
隱白雲合神物已  
化遺蹤峽安得夢  
隨霹靂駕馬上傾  
倒天瓢翻又自磻  
溪往陽平憩於麻  
田青峰寺之下院  
翠麓亭詩不到峰  
前寺空來渭上村  
此亭聊可喜脩徑  
豈辭捫谷映朱欄  
秀山含古木尊路  
窮驚石斷林缺見  
河奔馬困嘶青草  
僧留薦晚飧我來  
秋日午早久石牀  
溫安得雲如蓋能  
令雨瀉盆共看山  
下稻涼葉

晚翻翻

故道水在寶雞縣西南五十餘里又西南流逕黃牛堡  
入鳳縣界水經注故道水出陳倉之大散嶺西南流逕

故道縣

號川在寶雞縣東南百五十里太平寰宇記號縣有桃

號川路通漢中通志號川水源出粵山下北流十里又

折而西流六十里逕進口關入鳳縣界

謹按此即鳳縣之紫金水源也

玉女潭在寶雞縣西南二十五里玉女祠下一統志五

代時蜀將安思謙敗漢兵處

阿谷泉在寶雞縣東五里西平原之麓通志其水清冽

觸穢輒塞禱祀乃通號為神泉

雞跑泉在寶雞縣東二十里通志相傳秦穆公神雞飲此遇旱洶之則雨

滴水泉在寶雞縣東三十里官道旁又名三疊泉

已上寶雞

汧水在汧陽縣南一里自隴州流入又東南逕鳳翔界入寶雞界水經注汧水自會吳山水又東南逕隄廩縣

故城又東南歷慈山逕郁夷縣

謹按隄廩故城在縣東又按故郁夷縣及慈山

今俱屬隴州說見寶雞縣

通志汧水合暉河逕縣東玉清宮前有石

峽對鎖每逢霖雨水發則波勢洶湧轟若雷霆謂之大

石門又東一里許為小石門或傳大禹導汧入渭所鑿也

草壁谷溪在汧陽縣西三十里其北有石魚溝舊有石魚神廟相傳溝內有石欲取者虔禱剖石則兩片皆有魚形否則不全其水流入草壁溪南流六十里入汧  
暉川河在汧陽縣西通志源出馮坊里為北山之水所聚勢極猛迅南流七十里入於汧

隄廩澤在汧陽縣東八里元和郡縣志漢以此名縣通

志其地近水宜杭稻今堙

珍珠泉在汧陽縣南三里通志一名吐珠泉在三泉鄉其泉自山罅迸出清冽較勝諸水相傳飲此可以消癭汧水渠在汧陽縣界通志在北岸掘引灌田者凡十有四屈家灣渠在縣西四十五里又東為草北鎮渠在縣西三十五里又東為羅家店渠在縣西二十五里又東為葫蘆鋪渠在縣西二十三里又東為寇家河渠在縣西二十里又東為新興鋪渠在縣西十五里又東為段

坊渠在縣西十里又東為毘盧寺渠在縣西五里汧水  
逕縣西關外又逕縣城南至縣東關外為玉清宮渠在  
縣東二里又東為小石門渠在縣東三里又東為五里  
鋪渠在縣東五里又東為龍泉里渠在縣東十里又東  
為高崖村渠在縣東二十里又東為黃里鎮渠在縣東  
二十五里其在南岸者凡十有二首為乾河灘渠在縣  
西四十五里又東為安化村渠在縣西三十五里又東  
為水磨溝渠在縣西三十二里又東為馬家村渠在縣

西三十里又東為埭底村渠在縣西二十五里又東為古蹟溝渠在縣西二十里又東為朱坊堡渠在縣西十里又東為上下馬家灘渠在縣西五里又東為小石門渠在縣東三里與北岸小石門渠相對舊立閘於此以防水漲又東為段家灣渠在縣東十里又東為鄒家莊渠在縣東二十里又東為峰臺山根渠在縣東二十五里凡灌田四千餘畝

已上  
汧陽

漆水在麟遊縣西東南流入岐山界詩猗與漆沮毛傳



岐周之二水山海經喻次之山漆水出焉郭璞注漆水

出岐山漢書地理志右扶風漆縣漆水在縣西

謹按漆縣故城

在縣西

十三州志漆水出漆縣西北至岐山東入渭水經

注漆水出杜陽縣之漆溪謂之漆渠漆渠水南流大樂

水注之二川并逝俱為一水南與杜水合

謹按杜陽故城即今治

元和郡縣志普潤縣城西有漆水

謹按普潤故城在縣西

太平寰

宇記漆水源出普潤縣東南漆溪通志源出縣西百二

十里舊普潤縣西之青青山合岐水入渭

雍錄岐之與郿固皆同隸漢世

漆縣然漢志漆水特一出無兩漆也元和郡縣志務合鄭說遂分漢志一漆而著諸兩縣故普潤新平皆有漆水仍於新平立之說曰漆水在縣西九里西流注乎涇今麟遊亦有漆水與此異据此不獨一漆分為兩漆而意指所向正謂邠州漆水應經而岐下漆水不與縣應也夫漢志但著一漆而吉甫直以邠漆為漆不以岐漆為漆則酷信康成之過也通志按鄭氏縣詩注云公劉遷豳居漆沮之地故元和郡縣志謂邠州之漆別為一水入涇而太平寰宇記亦以白土川當之然又考元和郡縣志云隋置普潤也後廢屯立縣在漢為漆縣地則亦明謂普潤即漆縣矣又安得謂一漆縣有兩漆水乎程大昌力辨其誤似不為無見故存其說以俟考

臣謹按元和郡縣志謂漆水有二縣詩之漆在邠之

新平而不在岐之普潤其說是也程大昌謂不當以

一漆而著諸兩縣陝西通志辨之然其語意亦似謂  
普潤新平只一漆水而不知入渭入涇自有兩水不  
可融合臣嘗以考之經一章言公劉居豳即著沮漆  
之水二章乃言古公遷岐然則縣詩之漆安得謂其  
在岐而不在邠乎元和郡縣志謂新平縣西九里有  
漆水北流入涇禹貢錐指謂涇水今自邠州北東南  
流於永壽界漆水北流必注於涇是邠州漆水不特  
與縣詩合而亦即禹貢漆沮既從之漆水太平寰宇

記以白土川當之是也然其謂恐是漢之漆水則又不然蓋漢志漆水以十三州志考之當是入渭之水班固言漆水在漆縣西今漆縣故城在麟遊樂史乃謂今麟遊縣東南有漆水南流與杜陽水合非漢之漆水其說正與班志相背臣竊以為方輿紀要白土川或謂之漆水此繇詩及禹貢之漆也許慎說文漆水出右扶風杜陽岐山東入渭乃是漢志之漆如此分屬殊不歧誤若其在耀州富平者源出同官又是

一水與此兩漆水皆無與也

岐水在麟遊縣西淮南子岐水出石橋山東南流論衡  
王季葬於滑山之尾樂水齧其墓水經注大樂水出杜  
陽縣西北大道川東南流入漆即故岐水也隋書地理  
志普潤縣有岐水太平寰宇記岐水即大樂水也源出  
普潤縣東南流入漆水

杜水在麟遊縣南城下東南流入乾州界漢書地理志  
杜陽縣有杜水南入渭詩曰民之初生自土沮漆齊詩

作自杜言公劉居杜與沮漆之地水經注水發杜陽縣大嶺側世謂之赤泥峴沿波歷澗俗名大橫水疑即杜水矣其水東南流逕杜陽故城世謂之故縣川二坑水注之水有二源一水出西北與瀆魑水合而東歷五將山又合鄉谷水水出鄉溪東南流入杜水謂之鄉谷川杜水又南合莫水隋書地理志普潤縣有杜水太平寰宇記杜水源出普潤縣東南溪澗間通志杜水出縣西五十里招賢鎮杜山之陰行石澗中東南流至舊九成

宮西納鳳臺山北西海口一帶之水而其流始大蓋西  
海口納良舍西坊兩流也又東南納清水河一帶之水  
而其流愈大杜水又接排雲殿山細流而東逕縣南北  
受通濟橋五龍泉和尚泉等水又東則南受馬家溝口  
水又東折逕火星廟北過峽東轉合於澄水縣治居杜  
澄二水之中復折而過慈禪寺受石白山史家河一派  
再折至柴石山後受吳雙以北之水而可以勝舟矣又  
數折北受縣東之尉遲澗水又受小花石溝水而其勢

益大出縣境逕乾州又至武功入渭

清水河在麟遊縣西十里通志合青蓮山箭括山下兩

流北流入杜水

謹按疑即水經注之二坑水

五龍泉水在麟遊縣西南流入杜水通志水味作酒異

常宋熙寧中王竦為記立石今不存

澄水在麟遊縣東城下通志源出澄名里納北來嶺西

河四郎廟峽內諸水東南入杜水

謹按疑即水經注之鄉溪水

尉遲澗水在麟遊縣東三十里通志入長安便道兩山



險阻中橫一澗相傳太宗幸九成宮尉遲敬德開修輦路於此

細川谷水在麟遊縣西太平寰宇記細川谷水在普潤縣南北流入涇州界一統志後魏永安中高平賊帥万俟醜奴散營於岐州之北百里細川即此

玉女潭在麟遊縣西南十五里名山記俗傳唐武后避暑九成宮時浴此通志潭在魚塘峽內其水自永安宮前流入此潭半山落下聲震巖谷四面屏山圍繞入畫

隋文帝常遊宴於此

醴泉在麟遊縣西五里唐魏徵醴泉銘序貞觀六年帝避暑九成宮歷覽臺閣閒步西城躊躇高閣之下俯察厥土微覺有潤因以杖導之有泉隨而湧出乃承以石檻引為一渠味甘若醴雍勝略泉在九成宮中年久泉

涸有醴泉碑銘魏徵撰歐陽詢書尚存

又見古蹟  
已上麟遊

渭水在隴州南百四十里自秦州清水縣入境又東入寶雞界水經注渭水東南出石門度小隴山逕南由縣

南東與楚水合又東入散關元和郡縣志渭水在南由縣南四十里太平寰宇記渭水在隴安縣西南四十五里長蛇水在隴州西南山海經數厯之山楚水出焉而南流注於渭水經注楚水世所謂長蛇水出汧縣之數厯山南流逕長蛇戍東又南流注於渭關駟以是水為汧水元和郡縣志長蛇川在南由縣西百步通志在吳山縣舊境內其流委曲如蛇後魏以此名縣

金陵河在隴州東南四十里南村鎮西又東南流入寶雞界

汧水在隴州南又東流入汧陽界史記周孝王使非子  
養馬於汧渭之間漢書地理志汧縣汧水出西北入渭  
續漢書郡國志汧水出汧山水經注汧水出汧縣之蒲  
谷鄉弦中谷爾雅曰水決之澤為汧汧之為名實兼斯  
舉水有二源一水出縣西小隴山其水東北流歷澗注  
以成淵潭漲不測出五色魚俗以為靈莫敢採捕因謂  
是水為魚龍水自下亦通謂之魚龍川川水東逕汧縣  
故城北又東歷澤亂為一右合龍泉又東會一水自水

會上下咸謂之魚龍川又東逕隄麋澤

謹按隄麋縣今屬汧陽

隋

書地理志汧陽縣有汧水括地志源出汧源縣西南汧

山東入渭錄異記隴州路七十餘里有洞中有石或大

或小隨水流出破之皆有魚龍形過者並不取語語者

便聞風雷之聲通志汧河源出汧山東流會北河東南

入汧陽界濱水之地自州西至汧陽寶雞幾二百里謂

之汧川

唐許棠汧湖詩偶得湖中趣都忘隴坻愁邊聲風下雁楚思浪移舟靜極亭連寺涼多島近樓

吟遊終不厭  
還似曲江頭

白環谷水在隴州西九域志吳山縣有白環水金史地理志汧源縣有白環水通志水流如環故名

蒲峪水在隴州西二十里周官職方氏其澤藪曰弦蒲注弦蒲在汧鄭司農云弦蒲或為汧浦爾雅九藪秦有楊陁郭璞注楊陁在汧水經注汧水出蒲谷鄉弦中谷決為弦蒲藪九域志汧源縣有弦蒲藪州志弦蒲藪在州西四十里

謹按楊陁即弦蒲今州西四十里尚有蒲峪寨則其為古之蒲谷鄉無疑也

金泉水在隴州東四十里水經注汧水右合龍泉泉徑

五尺源流奮通淪漪四泄東北流注於汧通志金泉在  
州東南梨林川水出如注污之即涸俗傳昔人得金鞭  
於此州志一名白龍泉

八渡河在隴州東南俗名一水河水經注汧水又東會  
一水發南山西側山下石穴廣四尺高七尺水溢石穴  
懸波側注發源成川北流注於汧州志一水河發源望  
輦峰左旋繞廟前東北流入汧水又神岔溝在閬苑西  
三里許一道五峰山壑一通一水河源即宋吳玠敗金

人處

謹按水經注云汧水有二源一水出縣西山一水發南山西側二源皆汧水也本文甚明自昔人誤

謂一水為水名而不察汧有二源之語遂呼為一水其謬甚矣今特為正之

已上隴州

關中勝蹟圖志卷十七